



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

ISINDEBELE ILIMI LEKHAYA (HL)

IPHEPHA LOKUTHOMA (P1)

2021

UMHLAHLANDLELA WOKUTSHWAYA

IMITLOMELO: 70

Umhlahlandlela wokutshwaya lo unamakhasi ali-10.

ISIGABA A: UKUFUNDA NOKUZWISISA**UMBUZO 1****Ukutshwaya ukufunda nokuzwisisa**

- Njengombana itjhejo liqaliswe ekuzwisiseni, ukupeleda okungasikho neemphoso zelimi akukameli kujeziswe ngaphandle kobana iimphoso lezo zitjhugulula okutjhiwoko/ukuzwisisa umqondo. (Iimphoswezo kumele zitjengiswe/zivezwe).
- Nangabe abafundi basebenzise amagama abuya keline ilimi ngaphandle kwalelo elihlolwako, ungawatjheji amagama lawo, nangabe ipendulo ipha umqondo, ungajezisi. Nanyana kunjalo, nangabe igama elivela keline ilimi lisetjenziswe etheksthini begodu lifuneka endulweni, lokhu kuzokwamukelwa.
- Iimpendulo ezifuna imibono yabafundi, imitlomelo ayinganikelwa ipendulo yaka-IYE/AWA nanyana NGIYAVUMA/ANGIVUMI. Kumele kutjhejwe/kutlonyeliswe ukusekelwa kwependulo kwaphela.
- Akunamitlomelo ekumele yabelwe ULIQINISO/AKUSILO IQINISO nanyana IQINISO/UMBONO.
- Nangabe iimpendulo zifuna igama linye kodwana umfundi yena unikele umutjho woke tshwaya igama ekungilo ipendulo nangabe lithalelwe/litjengisiwe.
- Nangabe kufuneka amaphuzu amabili/amathathu kodwana kutlolwe amanengi, tshwaya **kwaphela** wokuthoma amabili/amathathu.
- Vumela ukwahluka kwamalimi weengodi.
- Emibuzweni la kukhethwa ipendulo enembako, yamukela kokubili, iledere elikhambisana nependulo ekungiyiyo NANYANA ipendulo nayitlolwe ngokuzeleko.

- 1.1 1.1.1 Isebuja meni besi-4. ✓ (1)
- 1.1.2 Lilutjha elisezingeni lokungasebenza neliwufunako umsebenzi kodwana lingawutholi. ✓ (1)
- 1.1.3 Kukholwakala bona unobangela wokuhlukana okungaka phakathi kwelutjha labantu abamhlophe nelabantu abanzima elingasebenziko ziinsalela zombuso webandlululo wangaphambi komnyaka we-1994/Kubekwa kweendawo zokusebenzela kude neendawo ezazihlalise abantu abanzima ngesikhathi sebandlululo. ✓✓ (2)
- 1.1.4 - Isizathu esivela esigabeni sesi-4 esenza bona ilutjha lingaqatjheki kukobana linganawo amakghono neziqu ezisuke zifunwa baqatjhi keminye imisebenzi/lkhwalthi yeFundo eSisekelo etholwa bafundi eenkolweni nendlela ehleleke ngayo ayikhambelani namakghono asuke afunwa baqatjhi emisebenzini ehluhlukeneko. ✓ (1)
- Isizathu esivela esigabeni sesi-5 esenza bona ilutjha lingaqatjheki mithetho yenarha yeSewula Afrika evikela abasebenzi nefuna baqatjhe abantu abanamaboni/ilemuko lokusebenza. ✓ (1)
- 1.1.5 - Umuntu nakangasebenziko uhlala athuwile. ✓ (1)
- Umuntu nakangasebenziko ulahlekelwa ukuzithemba.
- Ukungasebenzi kona ihlalahle yomuntu emphakathini.
- Umuntu nakangasebenziko umphakathi ahlala nawo awumthatheli ehloko, uyambandlulula bewumbize ngamagama angamukelekiko.
- Umuntu ongasebenziko akusilula bona atjhade begodu lokha nakatjhadileko akahlali kamnandi emtjhadwenakhe.
- Ukungasebenzi kwenza umuntu aziphelele ihliziyo, agcine ngokuzinikela eendakamizweni. ✓ (1)
- (ZIMBILI iimpendulo kezingehla).
- 1.1.6 Umphumela wesenzo selutjheli sokulisa umsebenzi naliwutholileko nofana lingawuthathi ngombana ubhadela imali encani kukobana lingeze laba nethuba lokuzifumanela imadlana yokuphetha iimfuneko zangalesosikhathi/Angeze laba nethuba lokuzifumanela amaboni/ilemuko elingalibeka ethubeni elihle lokuzifumanela umsebenzi wasafuthi. ✓✓ (2)
- (Umfundi angayibeka ngeyakhe indlela ezwakalako).
- 1.1.7 - Ngicabanga bona uRhulumende wenarha le wenza ngokwaneleko ukusekela ilutjha elinemibono yokuzisungulela amabubulo walo amancani ngokusebenzisa amakghono walo ngombana wasungula ihlelo elibizwa nge-*National Youth Development Agency*, i-NYDA ngokurhunyenzweko neliqalelele khulu ukuthuthukisa amabubulo wabantu abatjha.
- Ngicabanga bona uRhulumende akenzi ngokwaneleko ngombana banengi abantu abatjha abazisungulela amabubulo kodwana ngonobangela wokuthhoga isekelo lezeemali elivela kuRhulumende amabubulo lawo awathuthuki, ahlala amancani njalo bekufike lapha avalwa khona. ✓✓ (2)
- (Umfundi angayibeka ngeyakhe indlela ezwakalako).

- 1.1.8 Akusilo iqiniso ngombana irhubhululo liyaveza bona hlangana nelutjha elingasebenziko elinye lalo ngilelo elineziqu ezihlukahlukeneko elizithole emaZikweni aPhakemeko wezeFundo. ✓✓
(Umfundi angayibeka ngeyakhe indlela ezwakalako). (2)
- 1.1.9 Ama-TVET Colleges la angakhamba anikela ngamaflaya azisa ngelwazi lamakghono awabandulelako ngeenkolweni bekatjele nabafundi bona amakghono la angabasiza kangangani ekuzivuleleni amathuba wemisebenzi nasele babanduliwe/Ama-TVET Colleges la angamema abafundi bona beze ngamalanga athileko azobanikela ilwazi ngamakghono abawafundisako ukwenzela bona abafundi bakghone ukuthola ilwazi elingeneleleko. ✓✓
(Umfundi angayibeka ngeyakhe indlela ezwakalako). (2)
- 1.1.10 - Ngokubona kwami ngingathi kusese sizathu esizwakalako ngombana nanyana umbuso uzama ukunikela abafundi ngeemali zokuragisela phambili iimfundo zabo emaZikweni aPhakemeko awukghoni ukubafikelela boke begodu kukhona amanye amaziko azijameleko lapha umbuso unganikeli khona ngeemali.
- Ngokubona kwami ngingathi akusese sizathu esizwakalako ngombana selamanengi khulu amahlelo wombuso asiza abafundi ngeemali zokuragisela iimfundo zabo phambili amalanga la, njeke kuya ngomfundi bona yena ngokwakhe uzimisele kangangani ngeemfundo zakhe. ✓✓
(Umfundi angayibeka ngeyakhe indlela ezwakalako). (2)
- 1.1.11 Ilutjha lingafundiswa ngamakghono alandelako:
- Amakghono wokwakha izindlu. ✓ (1)
- Amakghono wokubhodulula/ukulungisa iinkoloyi.
- Amakghono wokutjhiselela iinsimbi.
- Amakghono wokupheka nokubhaga.
- Amakghono wokuba balimi. ✓
(Namanye amaphuzu AMABILI angavezwa mfundi angakabalwa ngehla azakwamukelwa). (1)
- 1.2.1 (a) Angaya ebantwini abavezwe esithombeni soku-1. ✓ (1)
(b) Angaya ebantwini abavezwe esithombeni sesi-4. ✓ (1)
- 1.2.2 (a) Kubonakala umuntu ngamunye aphephe ibhorodo elitlolwe umsebenzi akghona ukuwenza ngehloso yokukhangisa. ✓ (1)
(b) Kubonakala ilutjha elibabantu bengubo limbethe iimphuraphura zalo ezikhombisa bona lineziqu litjhagalela ukuqatjiswa emisebenzini. ✓ (1)
- 1.2.3 - Engicabanga bona kungaba ngunobangela wokungasebenzi kwalo kungaba kukobana ilutjheli lifundele iziqu ezifanako ngobunengi, njeke imisebenzi eliyifunako sele kunabantu abayenzako. ✓ (1)
- Engicabanga bona kungaba ngunobangela kukobana lenze iziqu ezingafunwa baqatjhi.
- Engicabanga bona kungaba ngunobangela kukobana ilutjha leli

lineziqu kodwana alinawo amaboni/ilemuko lemisebenzi eliyifundeleko nekuyinto eqalwa khulu baqatjhi amalanga la. ✓
(Namanye amaphuzu AMABILI angavezwa mfundi angakabalwa ngehla azakwamukelwa). (1)

- 1.2.4 Ngicabanga bona unobangela wokobana ilutjheli lifake amarhalasi emehlweni kungaba kukobana okwenziwa esithombenesi kuyingozi emehlweni, njeke liwafakele bona amehlwalo angaqaphazeleki/angalimali/ukuvikela amehlwalo engozini. ✓✓
(Nezinye iimpendulo ezizwakalako ezingavezwa bafundi zizakwamukelwa). (2)

- 1.2.5 Ngisola uRhulumende wangesikhathi sebandlululo ngombana nguye owahlela ifundo ngendlela yokobana iinkolo ezifundisa amakghono zibe seendaweni lapha kuhlala khona abantu abamhlophe nemalokitjhini kwaphela nekuyinto eyadima abantu abahlala emakhaya nezabelweni amakghono afunekako la/Ngisola uRhulumende ophetheko njenganje ngokungakhi iinkolo ezaneleko ezima-TVET Colleges ukwenzela bona abafundi ababhalelwako eenkolweni nalabo abathanda ukusebenza ngezandla bayokufunda khona ukwenzela bona bazivulele wabo amabubulo nofana bakghone ukuqatjheka emisebenzini yezandla/Ngisola abarholi benarha le abakhwabanisa iimali zababhadelimthelo ezifanele zivulele ilutjha amathuba wemisebenzi. ✓✓
(Umfundi angayibeka ngeyakhe indlela ezwakalako izakwamukelwa). (2)

IMITLOMELO YESIGABA A: 30

ISIGABA B: UKURHUNYEZA**UMBUZO 2**

Yidla amafutha akhethekileko nanetshwayo lehliziyo ngaphandle. Ungadli ukudla okufakwe iinthako nokunetjhukela enengi ngombana kungakhulisa umzimbakho. Idla imirorho neenthelo ukuze umzimba ungabi namafutha amanengi. Idla ukudla okungagayeki msinya ngemathunjini. Hlala uzibandula ngamalanga. Qinisekisa bona awugandeleleki ngokomkhumbulo. Lala ngokwaneleko.

Inani lamagama asetjenzisweko = 37

Tjheja: Imidzubhulo esekholomini yokuthoma yenzelwe ukukhumbuza abatshwayako ngemitjho edzujulwe bunqopha etheksthini.

	IMIDZUBHULO ESETHEKSTHINI		AMAPHUZU AQAKATHEKILEKO
A	<i>'Qinisekisa bona udla amafutha akhethekileko avamise ukuba netshwayo lehliziyo ngaphandle nangeze enza umzimbakho ube mkhulu ngokweqileko.'</i>	1.	Yidla amafutha akhethekileko nanetshwayo lehliziyo ngaphandle.
B	<i>'Ungazijayezi ukudla okungezelelwe ngeenthako nokunetjhukela enengi ngombana kungakwenza bona ukhulelwe mzimba ngokweqileko.'</i>	2.	Ungadli ukudla okufakwe iinthako nokunetjhukela enengi ngombana kungakhulisa umzimbakho.
C	<i>'Idla imirorho neenthelo ukwenzela bona umzimbakho ungabi namafutha amanengi, ngalokho angeze wazithola sele udla ngokudluleleko.'</i>	3.	Idla imirorho neenthelo ukuze umzimba ungabi namafutha amanengi.
D	<i>'Idla ngobunengi ukudla okuthatha isikhathi ukugayeka ngemathunjini.'</i>	4.	Idla ukudla okungagayeki masinya ngemathunjini.
E	<i>'Ukubalekela bona ungagcini sele unomzimba omkhulu ngokweqileko hlala uzibandula ngamalanga.'</i>	5.	Hlala uzibandula ngamalanga.
F	<i>'Balekela izinto ezingagcina zikubangela ukugandeleleka ngokomkhumbulo.'</i>	6.	Qinisekisa bona awugandeleleki ngokomkhumbulo.
G	<i>'Lala isikhathi esaneleko nekungaba ma-iri abu-8 ukwenzela bona umzimbakho uphumule ngokwaneleko.'</i>	7.	Lala ngokwaneleko.

Inani lamagama asetjenzisweko = 37

Ukutshwaywa kwesirhunyezo kudzimelele ekuvezweni kwamaphuzu aqakathekileko ngokufunwa mbuzo.

Isirhunyezo kumele sitshwaywe ngalendlela:

Ukwabiwa kwemitlomelo:

- 7 imitlomelo emaphuzwini ali-7 (Umtlomelo owodwa kilelo nalelo phuzu eliqakathekileko)
 - 3 imitlomelo yelimi.
 - Inani loke: 10
- **Ukwabiwa kwemitlomelo yelimi lokha ohlolwako nakangakakopululi itheksthi njengombana injalo (asebenzise magamakhe).**
 - 1–3 yamaphuzu alungileko: nikela umtlomelo owo-1.
 - 4–5 yamaphuzu alungileko: nikela imitlomelo emi-2.
 - 6–7 yamaphuzu alungileko: nikela imitlomelo emi-3.
 - **Ukwabiwa kwemitlomelo yelimi lokha ohlolwako nakakopulule itheksthi njengombana injalo (angakasebenzisi amagamakhe).**
 - 6–7 yemidzubhulo: akatlonyeliswa ilimi
 - 1–5 yemidzubhulo: nikela umtlomelo owo-1 welimi.

TJHEJA:

- **Ukubala amagama:**
 - Abatshwayi kumele baqinisekise inani lamagama asetjenzisweko.
 - Ungaphunguli imitlomelo nangabe ohlolwako akhenge atjengise inani lamagama alisebenzisileko namkha nangabe inani atlole bona ulisebenzisile akusingilo. Nangabe ubude obulindelweko budlulile, funda bewufike emutjhwani wokugcina wenani elibekweko bese awusarageli phambili nokutshwaya isirhunyezweko.

IMITLOMELO YESIGABA B: 10

ISIGABA C: IZAKHI NEMITHETJHWANA YOKUSETJENZISWA KWELIMI**UMBUZO 3: ISIKHANGISO****Ukutshwaya ISIGABA C**

- **Ukupeleda:**

- Iimpendulo ezifuna igama linye kumele zitlonyeliswe nanyana kungakapeledwa kuhle, ngaphandle kobana iphoso itjhugulula ihlathululo yegamelo/okutjhiwo ligama lelo.
- Eempendulweni ezimutjho opheleleko, ukungapeledi kuhle akujeziswe nangabe iimphoso zisesakhiweni selimi elihlolwako.
- Nangabe kuhlolwa isirhunyezo, ipendulo kumele ibe netshwayo elifaneleko, ungci.

- Ukwakheka kwemitjho kumele kukhambelane nehlelo begodu kunikelwe ngemitjho ezeleko/njengokutjho komyalo.

- Emibuzweni la kukhethwa ipendulo enembako, yamukela KOKUBILI, iledere elikhambisana nependulo ekungiyiyo NANYANA ipendulo nayitlolwe ngokuzeleko.

3.1 Isikhathi esizako/esisezako. ✓ (1)

3.2 - Zitjhiphe.
- Ibhegana. ✓
(Ipendulo EYODWA kezingehla). (1)

3.3 Njalonjalo > njll. ✓
(**Yeleda:** Umthetho yokutlolwa kweenrhunyezo uzokulandelwa, umfundi ongakafaki itshwayo lokutlola ungci akangatlonyeliswa). (1)

3.4 Izambatho zakwaBafunani *Traditional Attire* zenzelwe wena begodu zitjhiphe tle. ✓ (1)

3.5 C/ekatelelako. ✓ (1)

3.6 Umqondo ovezwa magama atjhigamileko asetjenziswe esikhangiswenesi kukobana kusetjenziswe amagama wesiNgisi hlangana namagama wesiNdebele/kumagama ekungasi ngewesiNdebele/Amagama la aveza umqondo wokobana kuthengiswa izambatho/ivunulo yesintu/yesinDebele/yesikhethu. ✓ (1)

3.7 Iye, abatlami besikhangiswesi bawalandele ngepumelelo amaqhinga wokukhangisa ngombana:
- Igama lerhwebo liveziwe belitlolwe ngamagabhadlhela. ✓
- linthombe zemikhiqizo ekhangiswako ziveziwe.
- Amagama asetjenziswe ukudosa abathengi atolwe ngamagabhadlhela.
- Imibandela itlolwe ngamagama amancani.
- Kusetjenziswe ilimi elirogelako/elidosako.

Awa, abatlami besikhangiswesi abakawalandeli ngepumelelo amaqhinga wokukhangisa ngombana:

- Inani lezambatho alikavezwa.
 - Imininingwana yokobana isitolwesi sitholakala kuphi ayikavezwa.
 - Imininingwana yokobana bobani abangathintwa neenomboro abangathintwa kizo ayikavezwa. ✓
- (ZIMBILI iimpendulo kezingehla). (2)

- 3.8 Esikhangiswenesi kunokutjhayisana kwemiqondo ngombana emagameni asetjenziselwe ukurogela/ukudosa abathengi kuthiwa woke umuntu uvumelekile kodwana emibandeleni kuthiwa kuthengiselwa abantu bengubo kwaphela. ✓✓
- (YELELA: Nangabe umfundi uveze ihlangothi elilodwa lombuzo lo, angakavezi imiqondo emibili etjhayisanako akangatlonyeliswa). (2)

[10]

UMBUZO 4: IKHATHUNI

- 4.1 Isabizwana sokukhomba kudanyana/sokukhomba. ✓ (1)
- 4.2 Alo nitjho bona kuhlale/kusale mina? ✓ (1)
- 4.3 Lento ayisibambi soke. ✓ (1)
- 4.4 Akusilo iqiniso ukobana ubandlululwa ngokobulili bakho ngombana lento isibamba soke. ✓ (1)
- 4.5 Isakhesi sihlathulula bona mumuntu wengubo obizwa ngebizo lakhe/libizombala lakhe. ✓ (1)
- 4.6
- Ilebatho labo elinesithunzi nelihlelekileko.
 - Ikhomphyutha/umtjhiningqondo obonakala etafuleni.
 - Li-ofisi lesikhulu/lomlinganabo ngokomsebenzi abahlanganele ngakilo. ✓
- (Ipendulo EYODWA kezingehla). (1)
- 4.7 Mqondo othi kukhambe mina ngombana ngimfazi/ngingumma/ngibandlululwa ngokobulili bami/ngiluphele/ngigulela safuthi? ✓
- (Nezinye iimpendulo ezizokunemba umutjho lo). (1)
- 4.8 B/uNadima akabuyisele ummoyakhe phasi. ✓ (1)
- 4.9 UMsongelwa ubethe phasi ngenyawo watjho nokobana nakangabetjhwa nguKanabo lingawa lidojwe ziinkukhu. ✓✓
- (Omunye nomunye umutjho ongasetjenziswa mfundi ikani nakasebenzise amagama athi; 'lingawa lidojwe ziinkukhu'). (2)

[10]

UMBUZO 5

- 5.1 - Umsana > Libizo. ✓ (1)
 - Wabantu > Ngongumnini/Abantu > Libizo. ✓ (1)
- 5.2 Phela kulungiselelwa ilanga labakhwenyani/leemvakatjhi. ✓ (1)
- 5.3 UBonile ufuna ukuzihlekisa ngabantu. ✓ (1)
- 5.4 Ipambosi yokwenzakala. ✓ (1)
- 5.5 Irhwala/umqondophikisana (i-okzimoroni: igama elithi; 'silingeka' liphikisana nelithi; 'thaba'). ✓ (1)
- 5.6 Uyahleka/uyamomotheka nakasemsitheleni. ✓ (1)
- 5.7 Isifaniso/Isimanyaniso. ✓ (1)
- 5.8 Sisakhi esijamele ubuduna/ukuba mumuntu wembaji/ukuba mnikazi womnyanya omduna nofana wembaji. ✓ (1)
- 5.9 Aragele phambili uMsanabantu athi; "Ingani abanye bayijaye into yokuhloma umkhukhwana ababelethi babo bangazi litho."
Tjheja: Nikela umtlomelo OWODWA umfundi nakehlise u-'u' egameni elithi; 'UMsanabantu' kodwana nangabe usatlole igabhadlhela u-'M'/Nikela umtlomelo OWODWA umfundi nakavalele ikulumo ethi; "Ingani abanye bayijaye into yokuhloma umkhukhwana ababelethi babo bangazi litho" ngeendzubhulini. ✓ (1)
- [10]**

IMITLOMELO YESIGABA C: 30
INANI LOKE: 70